



Broj: 16-12-16-4356-~~17~~/18
I. Sarajevo, 05-09 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16), Izvještaja o toku i završetku e-aukcije Agencije za javne nabavke od 31.08.2018. godine u postupku javne nabavke metalnog namještaja za potrebe Državne agencije za istrage i zaštitu i Preporuke Komisija I za nabavke za potrebe Državne agencije za istrage i zaštitu od 31.08.2018. godine, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku metalnog namještaja za potrebe Državne agencije za istrage i zaštitu

Član 1.

U postupku javne nabavke metalnog namještaja za potrebe Državne agencije za istrage i zaštitu, putem Konkurentskog zahtjeva za dostavljanje ponuda korištenjem e-aukcije, ugovor se dodjeljuje i to za:

a) LOT 1 - Nabavka metalnih arhivskih ormara ponuđaču „ADUT PLUS“ d.o.o. Banja Luka, ponuda broj 16-12-16-4356-6/18 od 16.07.2018. godine, za ponudenu cijenu od 18.099,50 KM bez PDV-a;

b) LOT 2 - Nabavka sigurnosnih protivprovalnih jednokrlnih kasa, ponuđaču „PRIMAT“ d.o.o. Sarajevo, ponuda broj 16-12-16-4356-11/18 od 16.07.2018. godine, za ponudenu cijenu od 2.745,00 KM bez PDV-a;

c) LOT 3 - Nabavka metalnih ormara za odlaganje oružja, ponuđaču „ADUT PLUS“ d.o.o. Banja Luka, ponuda broj 16-12-16-4356-6/18 od 16.07.2018. godine, za ponudenu cijenu od 5.105,00 KM bez PDV-a.

Član 2.

(1) Ponuđači „ADUT PLUS“ d.o.o. Banja Luka i „PRIMAT“ d.o.o. Sarajevo obavezni su ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (original ili ovjerena kopija) ponuđači su obavezni dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj broj 16-12-16-4356-1/18 od 26.06.2018. godine pokrenut je postupak javne nabavke metalnog namještaja za potrebe Agencije, procijenjene vrijednosti 26.325,00 KM bez PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2018. godinu.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Predmet javne nabavke podjeljen je na LOT-ove:

- LOT 1 - nabavka 53 komada metalnih arhivskih ormara, procijenjene vrijednosti 18.120,00 KM bez PDV-a;
- LOT 2 - nabavka tri sigurnosne protivprovalne jednokriline kase, procijenjene vrijednosti 3.077,00 KM bez PDV-a;
- LOT 3 - nabavka 10 komada metalnih ormara za odlaganje oružja, procijenjene vrijednosti 5.128,00 KM bez PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 16.07.2018. godine do 13,00 sati, te da se ponude dostavljaju u zatvorenoj koverti, Komisija I za nabavke za potrebe Državne agencije za istrage i zaštitu (u daljem tekstu: Komisija) je dana 16.07.2018. godine u 14,00 sati izvršila javno otvaranje ponuda prema datumu i vremenu prijema.

Blagovremeno je dostavljeno sedam ponuda i to:

Redni broj	Naziv ponuđača	LOT	Vrijednost ponude (bez PDV-a)
1.	„ADUT PLUS“ d.o.o. Banja Luka	LOT 1 LOT 3	18.099,50 KM 5.125,00 KM
2.	„SALON BANKARSKE OPREME BL“ d.o.o. Banja Luka	LOT 1 LOT 2 LOT 3	18.020,00 KM 3.075,00 KM 5.120,00 KM
3.	„R&S“ d.o.o. Sarajevo	LOT 2	3.051,27 KM
4.	„UNIS ELEKTRONIK“ d.o.o. Mostar	LOT 1 LOT 2	22.737,00 KM 6.310,00 KM
5.	„SHOT“ d.o.o. Zenica	LOT 1 LOT 3	18.020,00 KM 5.100,00 KM
6.	„PRIMAT“ d.o.o. Sarajevo	LOT 2	2.745,00 KM
7.	„DEFTER“ d.o.o. Sarajevo	LOT 1	18.119,64 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak

je dalje nastavljen u smislu pregledanja dokumentacije priložene uz ponude, a u cilju ocjenjivanja njihove prihvatljivosti u smislu Pravilnika, te kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđači: „ADUT PLUS“ d.o.o. Banja Luka, „SALON BANKARSKE OPREME BL“ d.o.o. Banja Luka, „R&S“ d.o.o. Sarajevo, „UNIS ELEKTRONIK“ d.o.o. Mostar, „SHOT“ d.o.o. Zenica, „PRIMAT“ d.o.o. Sarajevo i „DEFTER“ d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti.

Komisija je utvrdila da navedeni ponuđači pored kvalifikacionih uslova ispunjavaju i formalno-pravne uslove iz Konkurentskog zahtjeva, te da ponude ponuđača „ADUT PLUS“ d.o.o. Banja Luka i „UNIS ELEKTRONIK“ d.o.o. Mostar podliježu primjeni preferencijalnog tretmana domaćeg.

Kako je Konkurentskim zahtjevom traženo da ponudeni namještaj mora odgovarati zahtjevima navedenim u tehničkoj specifikaciji, to je Komisija aktom od 09.08.2018. godine, zatražila mišljenje Sektora za materijalno-finansijske poslove (u daljem tekstu: Sektor) u smislu da li ponudeni metalni namještaj kvalifikovanih ponuđača odgovara zahtjevima navedenim u tehničkoj specifikaciji. Sektor je aktom od 20.08.2018. godine, dostavio mišljenje u kome je navedeno da ponude ponuđača: „ADUT PLUS“ d.o.o. Banja Luka, „SALON BANKARSKE OPREME BL“ d.o.o. Banja Luka, „R&S“ d.o.o. Sarajevo, „UNIS ELEKTRONIK“ d.o.o. Mostar, „SHOT“ d.o.o. Zenica i „PRIMAT“ d.o.o. Sarajevo u potpunosti odgovaraju tehničkim opisima iz Konkurentskog zahtjeva za ponudeni metalni namještaj, dok u ponudi ponuđača „DEFTER“ d.o.o. Sarajevo za LOT 1 (metalni arhivski ormari) nije naveden materijal za izradu arhivskih ormara, debljina lima, način plastifikacije, kao i način zaključavanja vrata, te da se iz tehničkog opisa ne može utvrditi da li je konstrukcija arhivskih ormara iz jednog dijela i da se ne može rastavljati, ili se ista montira pomoću vijaka.

Uvažavajući mišljenje Sektora, Komisija je aktom od 22.08.2018. godine zatražila informaciju od ponuđača „DEFTER“ d.o.o. Sarajevo u smislu da li ponudeni metalni arhivski ormari zadovoljavaju tehničke uslove iz Konkurentskog zahtjeva u smislu materijala za izradu i konstrukcije istih.

Aktom ponuđača „DEFTER“ d.o.o. Sarajevo broj 309-LOT 1/18 od 24.08.2018. godine navedeno je da dostavljena ponuda za LOT 1 zadovoljava tehničke uslove tražene Konkurentskim zahtjevom u smislu materijala za izradu i konstrukciju istih, dok su aktom navedenog ponuđača od 28.08.2018. godine navedene i tehničke karakteristike metalnih arhivskih ormara, koje odgovaraju tehničkim karakteristikama iz Konkurentskog zahtjeva.

Uvažavajući mišljenje Sektora, kao i dostavljeni odgovor ponuđača „DEFTER“ d.o.o. Sarajevo od 24.08.2018. godine i dopunu odgovora od 28.08.2018. godine Komisija je utvrdila da su ponude ponuđača: „ADUT PLUS“ d.o.o. Banja Luka, „SALON BANKARSKE OPREME BL“ d.o.o. Banja Luka, „R&S“ d.o.o. Sarajevo, „UNIS ELEKTRONIK“ d.o.o. Mostar, „SHOT“ d.o.o. Zenica, „PRIMAT“ d.o.o. Sarajevo i „DEFTER“ d.o.o. Sarajevo prihvatljive, te da ponude ponuđača „ADUT PLUS“ d.o.o. Banja Luka i „UNIS ELEKTRONIK“ d.o.o. Mostar podliježu primjeni preferencijalnog tretmana domaćeg.

Konkurentskim zahtjevom je bilo predviđeno da se za navedeni postupak javne nabavke provodi e-aukcija. Budući da je za LOT 1 zaprimljeno pet prihvatljivih ponude, da su za LOT 2 zaprimljene tri prihvatljive ponude i da su za LOT 3 zaprimljene četiri prihvatljive ponude, Komisija je zakazala e-aukciju 31.08.2018 godine i to: za LOT 1 u trajanju od 20 minuta, u periodu od 12,30 do 12,50 sati, za LOT 2 u trajanju od 15 minuta, u periodu od 13,00 do 13,15 sati i za LOT 3 u trajanju od 20 minuta, u periodu od 13,30 do 13,50 sati.

Prema Izvještaju o toku i završetku e-aukcije od 31.08.2018. godine konačna rang lista ponuđača koji su učestvovali u e-aukciji je sljedeća:

	Redni broj	Naziv ponuđača	Vrijednost ponude (bez PDV-a)	Rang
LOT 1	1.	„ADUT PLUS“ d.o.o. Banja Luka	18.099,50 KM (cijena na koju se primjenjuje preferencijalni tretman domaćeg)	1
	2.	„SHOT“ d.o.o. Zenica	18.020,00 KM	2
	3.	„SALON BANKARSKE OPREME BL“ d.o.o. Banja Luka	18.020,00 KM	2
	4.	„DEFTER“ d.o.o. Sarajevo	18.119,64 KM	3
	5.	„UNIS ELEKTRONIK“ d.o.o. Mostar	22.737,00 KM (cijena na koju se primjenjuje preferencijalni tretman domaćeg)	4

	Redni broj	Naziv ponuđača	Vrijednost ponude (bez PDV-a)	Rang
LOT 2	1.	„PRIMAT“ d.o.o. Sarajevo	2.745,00 KM	1
	2.	„R&S“ d.o.o. Sarajevo	3.051,27 KM	2
	3.	„SALON BANKARSKE OPREME BL“ d.o.o. Banja Luka	3.075,00 KM	3

	Redni broj	Naziv ponuđača	Vrijednost ponude (bez PDV-a)	Rang
LOT 3	1.	„ADUT PLUS“ d.o.o. Banja Luka	5.105,00 KM (cijena na koju se primjenjuje preferencijalni tretman domaćeg)	1
	2.	„SHOT“ d.o.o. Zenica	4.600,00 KM	2
	3.	„SALON BANKARSKE OPREME BL“ d.o.o. Banja Luka	5.120,00 KM	3
	4.	„UNIS ELEKTRONIK“ d.o.o. Mostar	6.310,00 KM (cijena na koju se primjenjuje preferencijalni tretman domaćeg)	4

Shodno Izvještaju o toku i završetku e-aukcije, odlučeno je da se u postupku javne nabavke metalnog namještaja za potrebe Agencije ugovor za LOT 1 i LOT 3 dodijeli ponuđaču „ADUT PLUS“ d.o.o. Banja Luka, te da se ugovor za LOT 2 dodijeli ponuđaču „PRIMAT“ d.o.o. Sarajevo, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 7x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE



Perica Stanić